

A. Gedaente en vpdoeringe vant Landt van Portugal, alst drie mijlen van v is, en daer beneffens zeijlt.

Sanc frego. Facies atque apparitio Portugalliae vbi tribus a te abest miliaribus iuxtaque eam nauigas.

B. Als dit Swarte houeelken oost te zijden van v leijt, soe ismen open voer die Riuer van Auero. Vbi nigellus monticubus vpeurum versus a te Montego. fihus est, ex diametro es e regione fluij auerani.



A. Representation du Pais de Portugal en le costoyant à la distance de 3. lieues.

B. Quand cestuy noir tertre est de vous vers E. quart au Sud Est, lors on est droitement visa vis la Riuer de Auero.

DESCRIPTION DE PORTUGAL.

Portugal, dont mention se fait en ces trois tables qui s'enfuyent, est l'un des plus grands Royaumes de l'Espagne, situé le long de la Mer Oceane: & s'étend en longueur depuis les limites de Gallice, jusques à celles de l'Andalusie. Lequel tousiours a esté gouverné par ses propres Seigneurs & Roys, hors mis aucunes années en ça, qu'il est venu souz le ioug Espagnol. L'Espagne fut iadis, du temps que les Sarrazins occuperent le pais d'Espagne, departie en 14. Royaumes, desquels celui de Castille est le plus puissant par terre, & Portugal par Mer. Le pais de Portugal fut iadis vne Conté, neantmoins environ l'an de grace 1110. il à repris le titre de Royaume. Henry Conte de Portugal, & souche du sang Royal Portugalois, feit des grand faits d'armes cõtre les Sarrazins. A cause de cela Alphonse 6. Roy de Castille, luy donna en mariage, sa fille bastarde, nommee Tyresia, & luy assigna pour douaire ceste partie de Gallice, qui est comprinte en la region de Portugal. De ce mariage nasquit Alphonse, qui porta premierement le nom de Duc; & en fin fut le premier Roy de Portugal. Ce fut aussi luy, qui osta Lisbone aux Sarrazins, par l'ayde d'autres Princes Chrestiens: qui en l'an de grace 1147. par sollicitation de S. Bernart, auoient publié vne Croisade contre les infideles, pour recouurer la terre sainte: & à ceste cause apres auoir assemblez grand armées, venant par Mer en Espagne, ils ne la vulerent point passer, sans visiter les reliques de S. Iaques en Gallice. Le Roy Alphonse estant bien ioyeux de leur venue, les pria de luy donner secours contre la cité de Lisbone, la ou se retiroient les Sarrazins, & faisoient beaucoup de fascheries aux Chrestiens. Les Princes estrangers acquiescerent à la volonté du Roy, & assaillirent la ville du costé de la Mer: & le Roy Alphonse l'affligea du costé de la terre, & ne cessent de presser ladicte ville, jusques à ce qu'ils l'eussent prise par force. Ce fut luy aussi, qui vainquit en vne bataille cinq Roys ensemble: & pour ceste cause il porte cinq escussions en ses armoiries, qui sont encores auioird huy les armoiries des Roys de Portugal ses successeurs. Cestuy Roy feit emprisonner sa mere, pour ce qu'elle s'estoit remariée apres la mort de son premier mary: en ne l'a voulu relascher pour priere quelconque: combien aussi qu'il fut à ceste cause excommunié du Pape: mais le Seigneur Dieu l'a chastié, qui l'a liuré es mains de ses ennemis les infideles, ou il mourut prisonnier, laissant son fils Sanche heritier de la Couronne.

Iean dixième Roy estoit Bastard, & pourtant il fut excluz du gouvernement du Royaume: lequel se dadiant à l'art militaire, il se monstra homme de grand courage, & de cest estat il fut appelé au Royaume; ou il feit de choses grandes. Il recouura par force d'entre les mains des Sarrazins, la ville de Septene. A luy succeda son fils Edoart, qui agrandit le Royaume de trois villes, Zela, Tige & Alcazar, lesquelles sont en Afrique, & les print par force.

L'an de grace 1506. survint à Lisbone grande trouble des citoyens, à cause des Iuifs, qui auoyent esté nouvellement baptisez. Car en cachette ils s'adonnent aux ceremonies des Iuifs, & se mostroyent Chrestiens de bouche, mais non pas de cœur; celebroyent la Pasque, & mangeoient la chair avec les Iuifs. Ce qu'à perceuans les Chrestiens, ils les accusèrent au Roy, & y en eut seize qui furent prins par le commandement du Roy; mais ils furent apres relaschez sans punition. Les citoyens voyans cela, conspirerent contre le Roy & le Gouvernement, se mutins contre les Iuifs, & les faux Chrestiens, les mettans à mort, autant qu'ils en pouuoient rencontrer par la cité, & tuerent des nouveaux Chrestiens, & des Iuifs, environ six cent, & les brulerent. Ceste persecution des Iuifs s'extendoit hors les murailles de la ville, par les villages. En somme, on compte qu'il en fut tué tant dedans la ville, que dehors 1930. Le Roy qui estoit pour lors absent, oyant ces nouvelles, fut grandement courroucé, & en mist plusieurs en prison: dont les vns furent brullez, les autres esgueuelez, les autres penduz, les autres priuez de leurs biens, enuoyez en exil & bannis.

L'an de nostre salut 1531. le 26. iour de Ianuier, le pays de Portugal fut presque esbranlé de tremblement de terre: tellement qu'à Lisbone tombèrent 1050. maisons, & environ 600. qui tendoyent bien pres de de ruine. Ce tremblement de terra dura huit iours: & retournant par interualles tous les iours, de sorte que sept ou huit fois le iour, les habitans furent subiects à ce danger. Parquoy furent contraincts de laisser la ville, & s'en aller par les champs loger souz le ciel.

DESCRIPTION DES COSTES ET PARTIES LES PLUS

SEPTENTRIONALES DE PORTUGAL, DE-

PVIS VIANA IUSQVES A CAPO

DE MONTEGO.

Environ 3. lieues vers le S. de Bayonne gist vn Cloistre sur le riuage marin, & de là 5. lieues est la Riuiere de Viana, deuant laquelle gist vn roche pierreux, & pour l'euiter fault nauiger vers le S. tant, que les 2. tours & eschauguettes de feu, qui sont sur le terroir du S. viennét à se tenir l'une sur l'autre, & sur icelles marques on pourra approcher du riuage à 4. ou 5. toises pres, jusques à ce, que deux maisons & vne tourelle qui sont au terroir du N. viennét à correspondre ensemble, nauigent ainsi le long du riuage du costé d'Est de la roche, sur laquelle y a vn mast, jusques à ce que la riuiere se monstre plain ouuerte, lors fault il entrier par le costé Meridional de la deuxiesme roche au mast, passant oultre vers le N. jusques deuant Viana, & illec se peut iecter ancre sur 4. ou 5. toises. A l'entrée y a vn banc souz l'eau de 2. toises. Cinq lieues vers le S. de Viana gist Villa del Conde, il y a plusieurs rochers deuant le haure, qui sont nauigables de 2. costéz, & y est la profondeur de 5. & 6. toises, plus auant gist vn banc à trauers du haure 2. toises souz eau, & la plus grande profondeur d'iceluy haure est de 3. & 4. toises, mais plus auant vers le S. il est le plus profond, c'est vn haure de marée plein de roches au costé Septentrional.

Trois lieues au S. de Villa del Conde, sont gisants les grands rochers prominents de Lesons, situés vne demie lieue au Nord de la riuiere de Port de Port, à laquelle on peut entrer des deux costéz, & y iecter ancre en vn bon fond, sur 6. ou 7. toises: Et vers le S. O. du coing Meridional desdicts rochers y a vn escueil caché souz l'eau. Derriere lesdicts rochers prominents gist vn petit haure de marée, nommé Metellin profond deux toises. Vne lieue du costé Meridional des rochers de Lesons est la Riuiere de Port à Port, auquel on entre du costé de N. laissant toutes les roches au costé Septentrional de ladicte Riuiere, y entrât pres du terroir du S. vers E. quart au N. E. jusques oultre la roche sur laquelle y a vne croix, & plus oultre par le milieu de l'eau jusques deuant la Ville de Port à Port: dans le haure y est la profondeur de 10. ou 12. toises: Et l'entrée est de 3. toises à demie marée. On peut aussi y entrer du costé du S. le long du riuage sur 3. toises par vne haulte marée.

De Port de Port jusques à Aueiro, il y a 8. lieues: tout le long de la riue le pays est duneux. Pres de l'entrée d'Aueiro les dunes sont vn peu aspres, & peut on nauiger tout le long du riuage à 10. ou 12. toises. Dans le pays sur le hault, il y a vn terre noir, qu'ad icelluy est de vous vers E. quart au S. E. on est droict deuant la Riuiere d'Aueiro. Et venant sur 6. ou 7. toises, on void 3. masts sur le riuage, lesquels il fault tenir ioincts l'un à l'autre, ainsi entrât environ E. quart au S. E. & E. S. E. jusques à ce qu'on arriue pres des masts susdicts au pied du riuage, tirez lors oultre vers le N. le long du terroir du N. Et ce faisant on laisse toutes les secheresses & lieux peu profonds à main droicte, jusques à ce qu'on voye à plain l'ouuerture de la riuiere, lors fault il dereche tirer E. S. E. jusques à Aueiro entre les deux riuages tenât le milieu de l'eau, Il n'y a que deux toises d'eau à l'entrée sur la sabloniere qui y est, par vne demie marée, mais au dedens il y a profondeur de 5. ou 6. toises.

Cinq lieues au S. d'Aueiro, gist le Cap de Montego, & vne lieue vers le Sud du coing de Montego gist vn haure de marée, nommé Pisage; demie lieue de là vers l'Oest en Mer, il y a vn banc profond de six toises souz eau, souz lequel se peut iecter ancre sur 12. & 13. toises, souz les Barlingues: (qui sont notez à la Carte suiuite) se peut aussi iecter ancre sur 10. toises, vis à vis de l'Ermitage, & y a bon fond.

Les Pays susdicts produisent & liurent abondance de vins, pommes d'Oranges, Huile, Oliues, &c. Et il fort grande quantité de Sel du haure d'Aueiro. Et Port de Port en est la Ville la plus marchande.